



# Synfocity = 522

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

5<sup>th</sup> February, 2015

## □ Synod Moderator in Mission Veng inkâng tlawh

February 2, 2015 tlai dar 6:30 vela Mission Veng Bazar-a in leh dawr kangte chu February 3, 2015 khan Synod Moderator Rev. Lalrinmawia'n a hmunah kalin a tlawh a, kangmei tuarte hnenah Mizoram Synod hmingin tanpuina a hlan.

He hlanna inkhawm tawi hi Rev. H. Lalrinmawia i/c. Mission Veng Bialin a kaihhruai a, Synod Moderator Rev. Lalrinmawia'n chhiat tawkte tuarpuina thu sawiin tawngtaina hun a hmang a, hetiang hian inluatu leh dawr neitute hnenah tanpuina a hlan :

1. Pu Lalthanliana (In neitu)	Rs. 10,000/-
2. Pu H. Rohmingthanga (In neitu)	Rs. 10,000/-
3. Pi Darbuangi (In neitu)	Rs. 10,000/-
4. Pu Thanglura (In neitu)	Rs. 10,000/-
5. Pi Rinawmi (In neitu)	Rs. 10,000/-
6. Pi Baby Lalngaihzuai, Salem Veng (Dawr neitu)	Rs. 6,000/-
7. Pu Zohersanga, Mission Veng (Dawr neitu)	Rs. 6,000/-
8. Pi Lalrinfeli, Kulikawn (Dawr neitu)	Rs. 6,000/-
9. Pu Lalndia, Republic Veng (Dawr neitu)	Rs. 6,000/-
10. Pu Lalrintluanga, Thakthing Veng (Dawr neitu)	Rs. 6,000/-
11. Pi Chuauthangmawii, Mission Veng (Dawr neitu)	Rs. 6,000/-

He inkhawm hi Mission Veng Local Council hruaitute leh YMA North leh South Branch hruaituten an tawiawm bawk.

## □ Synod Revival Committee

♦ **Synod Executive Committee** in a lo rel tawh angin Synod Revival Camping Centre-a thlatin Camping neih nise a tih angin Camping kalpui tan mek a ni a. Hetah hian Camping a lutte eirawngbawl sak turin Kohhran Pavalai pawl te a hnuaia ruahman ang hian beisei nise tiin Revival Committee chuan a ti a, tlawmngaia inpe tur an nih rualin lawmman siam sak thin tur a ni bawk-

Thla(Month),Date	Kohhran/Pavalai	Speaker tura ruatte
February 10-15, 2015	Sihphir	Upa H.Zoliana,Gospel Witness Team
March 10-15, 2015	Chanmari	Pu Lalsangluia Sailo, Gospel Reapers Team
April 07-12, 2015	Khatla East	Upa Vanlalngaia, Krista Thian Team
May 05-10, 2015	Ramthar North	Upa PC Lalhmachhuana, Holy Fire Team
June 09-14, 2015	Chhinga Veng	Pu R. Zaihmingthanga, Gospel Thunder Team
July 07-12, 2015	Leitan	Upa T.Lalthlengliana, Revival Fire Team
August 04-09, 2015	Upper Republic	Pu C.Lalramthara, Gospel Revival Team
September 08-13, 2015	Republic	Pu K.Lalngaihawma, Milungngaite thian Team
October 13-18, 2015	Chanmari West Hmar Veng	Upa R.Lalhmachhuana, Milungngaite thian Team
November 10-15, 2015	Durtlang North	Upa K.Lalhunpuia, Revival Fire Team
December 01-06, 2015	Sihphir Venghlan	Tv. C.Zairemmawia, Dinthar lehna Team

## □ Zin

♦ February 04- 06, 2015 chung hian Chhim Area Committee nei turin heng mite hi an kal Rev.Lalrinmawia Moderator, Rev B.Sangthanga Senior Secretary, Rev. Lalzuithanga Senior Executive Secretary, Rev.Lalbiakvulmawia, Rev.Lalchhuanmawia Secy SMB leh Upa.Denghmingthanga te an kal.

♦ February 02 - 10, 2015 chung hian Senate and Consultation Programme a tel turin Rev. Lalramliana Pachuau, Executive Secretary chu Kolkata leh Kottayam-ah a kal.

♦ February 07,2015 hian Rev PC.Pachhunga Executive Secretary Presbyterian English School tlawh in Phainuam ah a zin ang.

♦ February 04-09, 2015 hian Upa.Vanengmawia Statistician leh Rev B.Lalngakhliana te chu Manipur Synod-ah Mizoram Synod aiawh a palai turin an kal.

♦ February 03-04, 2015 Chhung khan Kelkang leh N Vanlaiphai a harhna thleng zirchiang turin Synfo Dept atangin Upa Bonny.Lalrindika, Peter.Lalanpuia leh Tv. David.Lalruattluanga te an kal.

## □ Board Committee

A hnuaia tarlan ang hian Board Committee an thu dawn -

- ♦ February 10: Synod Mission Board
- ♦ February 11: Synod Hospital Board
- ♦ February 12: Synod Finance Committee.

## □ Synod Social Front

♦ 2013 Synod Gen.53-in "Kan rama kutdawh awmlo tura tan lak ni rawh se" tih chu Social Front Committee chuan bawhzuin rampum huapa Survey a neih huah kan ramah kutdawh mi 17 an awm tih hriat a ni a, Mi 17 zinga 11 chu kan kohhran mi an ni a, midang 6 chu kohhran pawl dang an ni. Synod Social Front chuan kutdawhte awmna area-a kohhran hnenah an huamchhunga kutdawhte'n kan kohhran leh kohhran pawl dang mi pawhin kut an dawh tawh lohna tura an theih anga hma la turin kohhran tin te a ngen a. Hmalak dan hi Synod Social Front-ah report theih ni bawk se a lawmawm ngawt ang.

## □ Synod Mission Baord

♦ **Kohhran Puitlingah hláng:** Dt.1.2.2015(Sunday) khan Itanagar Pastor Biala MOWB II Fellowship chu Kohhranpuitlingah hlan kai a ni. Rev. Lallianmawia Pachuau, Field Secretary, AAMF "W" chuan Kohhran puitlinga hlan kaina hun hi a hmang a ni.

♦ **Branch Church Thar háwng:** February 3. 2015 Thawhlehi Chawhna dar 10:00 khan T. Dumzau Model kuaah Tuithumhna Bialtu, Pastor Lalbiakhliran Branch Church a hawng. He kuaah hian nikum (December 20, 2014) khân In 20 (member 123)-te chu Presbyterian Kohhranah lo lûtin an lo inkhawm hrang tawh a ni.

♦ **Sunna leh tuarpuina:**

(1) Upa F. Lalmama, Chhinga veng, Milit Samiti member chuan January 30, 2015 zing dar 7:30 am vel khan stroke avangin chatuan ram min pansan.

(2) Upa K.Pazuala (63), Lunglei Ramthar Veng, Synod Mission Board member tang lai chu February 3, 2015 tlai dar 6:15 khan T.B. avangin Falkawn Referral Hospital-ah a thi a ni.  
SMB chuan heng mite hi a sunin, lusun chhungte a tuarpui tak meuh a ni.

☐ **Hruaina Eng FM Radio & TV Programme**

♦ **February 06 (FM Zoawi Aizawl @ 7:30 p.m.)**

**Solo** : C. Ramengmawia - Chawimawina hla thar, **Choir** : Tlangnuam Pastor Bial Zaipawl - Thihni hmel, **Thuchah** : Rev. K.Lalpiangthara - Lungawina kim, **Solo** : Gospeli - Malsawmna ka beisei leh si, **Choir** : Mizo Cardinal Choir - Ngaihdamna famkim, **Solo** : Lalremruata - Lungawina kim

♦ **February 06 (FM LUNGLEI @ 7:30 P.M.)**

**Solo** : C. Ramengmawia - Chawimawina hla thar, **Choir** : Tlangnuam Pastor Bial Zaipawl - Thihni hmel, **Thuchah** : Rev. K.Lalpiangthara - Lungawina kim, **Solo** : Gospeli - Malsawmna ka beisei leh si, **Choir** : Mizo Cardinal Choir - Ngaihdamna famkim, **Solo** : Lalremruata - Lungawina kim

♦ **February 08 (Tv Programme)**

**Bihchianna** : Kelkang Hlimna, **Playback** : Kulikawn East Kohhran Biak In Lungphum

☐ **Susamachar Prasaran Programme**

♦ **February 08 Group/Choir/Solo** : Sarihajan Pastorate Choir- Anong ket he, **Group/Choir/Solo**: CHT Synod Choir Leu neTua lei (Naga), **Sermon**: Lalhmingthanga, **Group/Choir/Solo** : Chhinga Vengthlang - Suno sathi bhai, **Group/Choir/Solo** : Khatla Masihi Sangati - Ishu Tera Wada

☐ **MSSU**

♦ Puitling Sunday School 2015 Zirlai tihdikna -

Phek 8 Thuvawn tlar tawp a 'chutiang' tih leh 'lungkham' tih inkarah 'kawng' belh tur.

Phek 9 tlar 16 'Sangha mantuin a lente a hnuk' tih a hnuk ah hian thlukna awm lo tur.

Phek 24 tlar 4 a 1992 tih hi 2002 tih zawk tur.

Phek 30 tlar 16 Matthaia tih aiah Mathia tih tur.

Phek 65 Sub- Head kualkhung chhunga Self Existence tih aiah Self Existent tih tur.

Phek 109 para 3 tlar 2 na a 'chatuana awm dan' tih hi 'chatuana a awm dan' tih tur.

Phek 128 tlar tawp ber a 'ruangam' tih aiah hian 'rilru putzia' tih zawk tur.

Phek 131 para 3 tlar 5 a 'langsur' tih hi 'langsar' tih tur.

Phek 152 para 5 tlar 6 a 'a piantir a, a bawlhhlawhna' tih a bawlhhlawh tih hmaa 'a' hi paih tur.

Phek 201 para 4 tlar 2 a Thurin No. 6 tih hi 7 tih zawk tur.

Phek 224 tlar 4 a 'Chhandam' tih hi Chhandamna' tih tur.

Phek 253 tlar 8 a 'zirtir te chu a ni tlat a' tih hi 'zirtir te chu a ti tlat a' tih tur.

Phek 262 a sub-head 3 tih hi 4 zawk tur.

Phek 276 tlar 1 na a 'tihduhdah' tih hi 'tihduhdahna' tih tur.

Phek 276 para 2 tlar 3 a 'lerte a nghin' tih hi 'lirte a nghin' tih tur.

Phek 311 para tawp tlar 4 a 'tiin an an ngai' tih ah hian 'an' pakhat hi paih tur.

Heng kan tar lan baka tihsual palh ala awm chuan a tul angin kan la rawn tar lang leh dawn nia.

☐ **CKTP News**

♦ **KTP Rorel Inkhawm 2015** atan Central KTP a inbuatsaih mek zel a, Bial tin atanga Reports lo lut leh Agenda te thliar fel mek zel a ni. February 19 hian Rorel Inkhawm Programme ennawn, Budget siam leh Agenda final turin CKTP Committee chu chawhnu dar 1:00-ah Synod Committee Room No.1-ah an thukhawm ang.

♦ **KTP Day 2015** chu Synod Calendar zuiin hman dan thin pangngai February 22-ah hman tur a ni a. February 22 hi Pathianni a ni a, Branch tin ten tha an tih anga programme duan tur a ni ang. February 21 or 23-a hmang duh zawk an awm pawhin Branch Committee thu a ni ang.

♦ **Praise '14** hmanna hmun Rajiv Gandhi Stadium-ah khan hmeichhe purse chhar a ni a, CKTP Office-ah a tibo chuan ngaihven theih a ni e.

☐ **Moderator Programme**

Synod Moderator Rev. Lalrinmawia chuan tunkar tawpah hetiang hian hun a hmang ang :

♦ February 08, 2015 (Pathianni) Chawhma : Maubuang Kohhran

Chawhnu : Lamchhip Kohhran

Zan : Thiak Kohhran

## SYNOD HSS CLASS IX ADMISSION

Synod HSS-a Class IX lut turte tan February 21, 2015 (Saturday) Dar 10:00AM-ah Written Exam tur a ni. Class VIII English leh Mathematics exam a ni ang. Aizawl pawn lam mi tan mahni Kohhran lehkha thil tel tur a ni. **February 2, 2015** atangin School Office-ah dilna form lak theih a ni.

**Rozama Chawngthu**

**Principal**

**Synod Higer Secondary School, Aizawl**

## MUSIC ADMISSION

Synod Music School hnuaiha a hnuaiha tarlan ang hian Tonic Solfa & Staff Notation March - May, 2015 chhunga zir duhte tan seat dil theih a ni a. Dil duhte chuan a hnuaiha tarlante hi hriat ni se :-

☐ Music Department, Synod Office atangin Dilna Form la chhuakin **February 23, 2015** ral hma ngeiin Synod Office-ah thelth tur a ni. **February 25, 2015**-ah seat chang turte hming tarchhuah a ni ang a, zir tura thlan te chuan **February 25-27, 2015** chhungin Admission tih fel tur a ni ang.

☐ **March 2, 2015** atanga class tan tur a ni ang.

☐ Dilnaah mahni awmna Kohhran lehkha thil tel tur a ni.

☐ Hriat tur tul dang chu dilna Form-ah tarlan a ni.

**REV. P.C. PACHHUNGA**  
**Executive Secretary i/c Music**